

Let's go!

逛澳门流光溢彩

作为世界文化遗产地,澳门一直是全球旅行者热门旅游目的地。但街巷,有传承百年古老韵味;但美食,中西交融出独特风味;但“丝路”历史,日渐重现华丽光彩……澳门回归祖国25年里,经济、文化都得到长线发展,变得更繁荣迷人。新一年,跟住可乐君新游澳门,打卡新晋旅游点,感受美妙的烟火气。

郭玮/文 秦丽莹/图



寻“澳门”墙

近段时间,澳门新增咗各式各样嘅“澳门”打卡墙,我哋可以按“墙”出发,沿路观光。除咗大三巴、官也街呢啲必逛景点之外,有啲“澳门”墙匿埋喺比较较冷僻位置,去搵呢啲打卡墙时,就会惊喜遇到小众景点。好似风顺堂区高楼街嘅光希亭,喺一个小区儿童公园旁边,如果唔係专登行过去,其实好难注意到呢度。除咗可以打卡亭身嘅“澳门”字,仲可以饮翻杯澳门风味咖啡。从光希亭行去妈阁斜巷嘅“澳门”墙,会路过奶黄色嘅港务局大楼以及一排住家小店,其中有街坊日常帮衬嘅理发屋、老人家经营嘅食品店等,你可以好好感受地道嘅人情味。平时逛福隆新街,由头行到尾就结束,依家要去搵埋附近嘅“澳门”墙,就需要沿住斜坡继续往上走,just转弯、行多几百米,景观即刻唔同,如果遇到黄昏日落,氛围会变得浪漫。

cafe 品牌的澳门墙



妈阁斜巷



官也街



光希亭



cafe 品牌的澳门墙



红窗门街



菲律宾面包



占西饼店



金马伦咖啡饼店堂食



尝“西洋”味

鸡蛋糖



金马伦马豆糕

大家都知道,到澳门必食肉脯、葡挞。其实除此之外,澳门仲有好多古早西点,由西方传入,渐渐融入中式味道,变成澳门特色嘅美味。有半世纪历史嘅占西饼店,招牌嘅炸蛋球、奶油筒都好出名,而可乐君推荐佢哋一直坚持做嘅核桃马令和鸡汤软糖。核桃马令嘅外壳,好似马卡龙咁酥脆甜蜜,底部加咗酥皮挞壳,中间嘅核桃糖浆烟韧香甜,一咬可以集齐三种口感。鸡蛋软糖入口蛋香浓郁,沙沙糯糯嘅口感令人回味无穷,呢款葡式点心因为制作工序繁琐,以前要过节先会有得食,依家都唔係成日可以食得到。连店名都好随意嘅菲律宾面包店,一蚊一个金牌小面包,香芋夹心包五蚊有交易,小店出品简单实惠,好多本地居民都中意帮衬。金马伦咖啡饼店嘅学生包,包体扎实,越嚼越有奶香,难怪比猪扒包更出圈;马豆糕有椰汁、朱古力以及原味,入口起沙、唔会太甜。呢啲澳门古早西点有华丽嘅包装,朴实店面里面嘅橱窗随手夹起一块西饼,係澳门人贴地嘅烟火气。

圆明园兽首



狗首铜像



核桃马令




彩釉碟

邂逅丝路



银制茶壶



澳门美高梅博物馆上年底开幕,按国家一级文物展陈标准建造,係澳门新晋旅游打卡点。最近,这里正在举办“蓝色飘带”展览,用一系列文物、艺术珍品,带游客感受海上丝绸之路嘅魅力。睇目前展出嘅228件展品中,分4个主题展区,分别用历史时间、丝路文物、声光电交织嘅视觉效果、同现代艺术展品,为游客送上全感官艺术文化体验。其中,最为瞩目嘅係来自圆明园嘅兽首铜像,放置喺高清晰无反光玻璃展柜中,供大家全方位、无死角地欣赏。展馆中仲有一个AI互动区,大家在这里可以帮自己生成一个虚拟嘅古装形象,好似穿越历史时空,沉浸式感受海上丝绸之路嘅繁荣。